

# Ni Maria Ken Ti Ubing A Buaya

Iti maysa a bario ti Bangui, adda agasawa nga addaan ti napintas ken nasingpet nga anak. Maria ti naganna. Asidegda iti karayan. Nasasayaat ken nagagaget dagiti lumugar. Ti ama ni Maria ti panguloda.

Iti maysa nga aldaw, napan nagdigos a maymaysa ni Maria idia karayan. Nakita dagiti tallo a mannamay a naisarong idia. "Tiliwentayo dayta nga ubing," inmandar ti maysa kadagiti mannamay.

Tiniliwda ngarud ti ubing. Pinagbalinda a para in-innaw ti pinggan.

Iti maysa nga aldaw, kabayatanna nga agin-innaw ni Maria iti igid ti karayan adda nakita nga ubing a buaya, palit sa ti katayan, adda nakitana. Tulwato ti naganna. Nasingpet daytoy a buaya.

Naay-ayo ni Maria kenni Tulwato. Isu nga ititednaaminanaurongna a tedda a taraon iti panag-innawna. Nagbalinda nga aggay-yem.



Adda pannakabalin ni Tulwato nga makakita iti mapasamakto iti masakbayan. Inbagana kenni Maria ti plano dagiti mannamay kenkuana.

“Maria, di mabayag ket kanendakanto dagiti mannamay,” kinuna ni Tulwato a sililiday ken napnoan asi.

“Agpayso, Tulwato?” saludsod ni agbubuteng a Maria.

“Agpasyo, Maria. Dardarasem ti aglugan ditoy bukotko tapno maiyadayoka ditoy,” inbilin ni Tulwato.

Dinardaras ni Maria ti naglugan iti bukot ni Tulwato ngem narigatan a simmagpat. Bassit ken nalupoy pay ngamin ni Maria. Nagpanunot ni Tulwato ti sabali a pamayan tapno mailibasna ni Maria.

“Mangalaka ti sangaputed a kawayan. Itudokmo daytoy iti bukotko tapno adda pagkapetam kabayatan ti panangilangoyko kenka ditoy a karayan,” kinuna ti ubing a buaya.

Insigida a tinungpal ni Maria ti bilin ni Tulwato.



Nagal-alistoda nga immadayo ngem kinamat ida dagiti mannamay.

“Alistoam, Tulwato,” inpukkaw ni Maria. “Makamatandatan dagiti mannamay.”

Inal-alistoan pay ni Tulwato ti naglangoy. Umadadayodan kadagiti mangkamkamat kadakuada. Di mabayaag ket nadanonda met laengen ti igid ti karayan.

Nakita ida ni tatang ni Maria. Nakaragragsak gapu ta nagkitada manen iti anakna.

“Agyamanak iti tulong mo,” kinuna ti ama ni Maria.

Binagkatna ti anakna manipud itilikod ti ubing a buaya. Inarakupna daytoy iti nakair-irod. Inimbitaranna ni Tuwalto idiy balayda tapno rambakanda ti panangtulongna iti anakna.

Manipud idin, ti lugar a nangibabaan ti buaya kenni Maria ken naawagan ti Baruyen. Naggapo daytoy iti sao a bakruyen o baklayen a mangiladladawan iti wagas ti panangilibas ni Tulwato kenni Maria. Ti karayan a linangoy ti ubing a buaya ket naawagan pay iti Karayan Baruyen.

